



ATASSUT

UPA14/19-1

Gerhardt Petersen

08.04.2014

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa allanniarnermik atuarniarnermillu ajornartorsiuteqartunut atuartinneqarnissamik neqeroorut suleqatigiillutik nukittorsassagaat. Assersuutigalugu suliaasaqarfimmi ataatsimut ilisimatusarnikkut aammalu nunat oqartussaasuisa susassaqartut suleqatigiinnissaata qulakkeerneratigut, taamaalilluni ilisimasaniq iliutsinillu pitsaanerpaanik avitseqatigiinnissaq qulakkeerneqarsinnaaqullugu.

(Aallartitat siulittaasuat Lars-Emil Johansen)

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutaat allanniarnermik atuarniarnermillu ajornartorsiuteqartunut atuartineqarnissamik neqeroorut suleqatigiillutik nukittorsarneqarnissaanut sammititaq ATASSUT-miit imaattumik oqaaseqarfigissavarput:

Kaammattuut manna innuttaasut akornatsinni allanniarnermik atuarniarnermillu ajornartorsiuteqartortagut atuartinneqarnissamik neqerooruteqarfigineqarnerata suleqatigiiffigalugu nukittorsarneqarnissaanik siunertaqartoq ATASSUT-miit taperserlugu suleriaqqinnissaanut innersuusseqataassaagut.

Paasinarpoq ukiuni kingulliunerusuni pingaartumik Savalimmiuni pineqartumut tunngatillugu innuttaasut piumassusaat atorluarlugu inerititaqarfiusumik ingerlasoqareersoq, ATASSUT-miillu nunatsinnut naleqqunnerpaamik aamma inerisaasoqarnissaanut aqutissiueqataarusuppugut manna Naalakkersuisunut kaammattuut aqutigalugu aamma.

Nunani Avannarlerni killernilu akunnerminni pineqartunut tunngatillugu atugassarititaasunut suli pitsanngorsaanerunissaq siunertarineqartutuut sinaakkutaqartitsilluarnelussaag, tassuunakkullu aningasaliissutissat aamma pineqartuinnut angusaqarfiusumik iluaqusiissammata, ATASSUT-miillu kaammattuut manna siunertaqarluartoq iluarisimaarparput.



Naalakkersuisunut kaammattuut manna ATASSUT-miit tigussaalluartutut killiffia nalilerlugu nunatsinni innutaaqatitta allanniarnermikkut atuarniarnermikkullu ajornartorsiuteqartunut ilinniagaannut naammassinnilluarnerusinnaangornissaannut aqutissiulluarniarneq taperserlugu suleqataaffigissavarput.

Qularutissaanngitsumillu ungasinnerusoq isigalugu inuiaqatigiinnut sulii ilinniarsimassutsikkut iluaqutaanissaa takuneqarsinnaammat, tamatsinnullu atugassatsigut oqilisaaqataasussaalluni

Taamatut Naalakkersuisunut kaammattuut aqutissiunneqartoq ATASSUT-miit tapersiisutigaarput, taamatut isikkoqartillugu sukumiisumik peqqissaartumillu ingerlaqqinnissaa akuerseqataaffigalutigu.